



SBS traži povratne informacije od zajednice kako bi pomogao u oblikovanju budućnosti SBS radija i jezičkih usluga

Kao dio posvećenosti SBS-a da se nastavi razvijati u skladu sa potrebama savremene Australije, SBS je započeo redovnu reviziju svojih jezičkih usluga koje pruža SBS radio, otvarajući danas javne konsultacije kako bi prikupio povratne informacije o nacrtu kriterijuma kojima će se rukovoditi revizija.

SBS-ova revizija jezičkih usluga je proces koji se provodi svakih pet godina u skladu sa nacionalnim popisom, kako bi se osiguralo da SBS radio- programi odražavaju sve raznolikije društvo Australije koje se ubrzano mijenja. Kriterijumi za odabir će se koristiti zajedno s podacima popisa stanovništva 2021. godine da bi se odredili jezici koji će se emitovati, i pomoći u informisanju o načinu pružanja tih usluga u sljedećih pet godina.

Revizija jezičkih usluga obuhvata SBS-ovu audio i jezičku ponudu, uključujući radio, SBS na zahtjev, podcaste i druge digitalne platforme.

Šestonedjeljna javna rasprava, koja počinje danas i završava 12. novembra 2021. godine, važna je prilika za zajednice da doprinesu budućnosti SBS radio- programa i šire audio i jezičke ponude, pri čemu se sve povratne informacije uzimaju u obzir pri uspostavljanju konačnog odabira kriterijuma koji će se koristiti.

Direktor SBS-a za audio i jezičke sadržaje David Hua, rekao je: "SBS ima jedinstvenu sposobnost da dosegne i da se poveže sa različitim australskim zajednicama putem svojih višejezičkih usluga, na više dodirnih tačaka. Više od 45 godina nastavljamo prilagođavati način pružanja inovativnih i značajnih usluga zajednicama, a danas to činimo putem radija, interneta, podcasta i aplikacija na više od 60 jezika. Ova revizija će pomoći oblikovanju SBS-a dok idemo u susret 50-toj obljetnici.

Ključna uloga višejezičkih usluga SBS-a pokazala se tokom pandemije COVID-19 dostavljajući najnovije vijesti i važne zdravstvene informacije zajednicama na njihovom jeziku. Revizija jezičkih usluga je važna prilika da osiguramo da i dalje odražavamo potrebe zajednica u Australiji danas.

Redovno ažuriranje naše jezičke ponude omogućuje SBS-u da bolje opslužuje najveće zajednice kulturno i jezički različitog porijekla, kao i pružanje usluga zajednicama u nastajanju i sa visokim potrebama. Davanje glasa našoj publici u ovom procesu je ključni element, pa podstičemo zajednice širom Australije da podijele svoje povratne informacije."

Kriterijumi za odabir treba da budu finalizovani do maja 2022. godine, a revidiranje jezičkih usluga SBS-a implementiraće se prije kraja 2022. godine.



Period javnih rasprava o kriterijumima odabira traje od 5. oktobra do 12. novembra 2021. godine. Za pregled nacrtu kriterijuma odabira i slanje povratnih informacija, posjetite internetsku stranicu sbs.com.au/consultation.

Za dodatne informacije i zahtjeve za intervju, molimo vas, kontaktirajte:

Kate Warnock | kate.warnock@sbs.com.au | 0419 316 135